

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Hyemalis - A Dominica I. Adventus Domini nostri usque ad  
Dominicam Septuagesimæ

**Haineuve, Julien**

**Coloniæ Agrippinæ, 1665**

Die 12. Ianvarii. De Triduana commoratione pueri Iesu duodennis in  
templo. Sensitivæ devotionis subtractio, veræ & solidæ devotionis est  
probatio.

**urn:nbn:de:hbz:466:1-44194**

*Hom. 3. in  
Massib.*

observat sanctus Joannes Chrysostomus, Neque sicut tribulationes, neque iucunditates sinit habere continuas, sed tum de adversis, tum ex prosperis, justorum vitam quasi admirabili varietate contexit. Quod deinde probat in persona sancti Josephi, & tum hic, tum alios docet, quod licet status Justorum mutaretur, non tamen Justi mutantur: aut certè si mutari videntur, non tamen alii sunt animo, sed sensu quodam duntaxat gaudij & tristitiae, qui nihil eorum animum tangat, neque vultum ipsum afficiat; ut de unoquoque

corum dici possit, quod de Anna matre Samue-  
lis, *Vultus illius non fuit amplius in diversa mu-* 1. Reg. 1.  
*tati; aut sicut de Davide, Sic est Dominus meus* 2. Reg. 14.  
*Rex sicut Angelus Domini, ut nec benedictione, nec*  
*maledictione moveatur. Tantò minus es justus*  
*quantum ab hoc distas statu. Inquit quantum,*  
*neque celles, Donec implearū agnitionis voluntatis*  
*Dei, nullus ut superfit locus alii rationibus &*  
*affectibus.*

*Coloſſ. 1.*  
Vide in Indice Verbo *Indifferentia, Resigna-*  
*tiō.*

## DIE XII. IANVARII.

### DE TRIDVANA COMMORATIONE PVERI JESU DUODENNIS IN TEMPLO.

*Remansit Puer Iesus in Ierusalem, & non cognoverunt  
parentes eius. Luc. 2.*

#### VERITAS PRACTICA.

Sensitivæ devotionis subtractione, yetæ & solidæ  
Devotionis est probatio.

**RATIO EST.** Quia vera & solida virtus rane est probatio cum necessitas & difficultas simul occurruunt in ejus exercitio. Sed subtractione sensitivæ, tunc necessitas & diff. ultas Devotionis exercenda simul occurruunt. Ergo tunc vera & solida est Devotionis probatio; ac proinde fideliter exercenda est, exemplo Beatisimorum Parentum Iesu quem à se subtractionem quarunt & inveniunt, in templo Ierosolymitanis.

#### I. PUNCTUM.

**C**VM factus esset Iesu annorum duodecim, ascendentibus illi Ierosolymam, secundum consuetudinem diei festi, consummataque diebus, cum redirent, remansit puer Iesus in Ierusalem, & non cognoverunt Parentes eius. Videri possunt quo plura referuntur ab Evangelista, & in unoquoque eorum, tantum immorare, quantum devotio retinebit, ac tandem per volutis attentia mente omnibus, sic tecum statues mirabilem hanc pueri Iesu à parentibus insensu separationem, nihil aliud magis innuere quam subtractionem illam Gratia & devotionis sensitibilis, quæ sic nobis interdum ab illo continua-

git, ad probationem vera & solida Devotionis, seu ad experimentum, utrum vera sit an solida nostra devotio. Quod certè maximoperè est considerandum, ut quid tunc factò sit opus, attenè prævideamus.

Hoc itaque primum quod assertur ad propriae Veritatis declarationem, diligenter expende, tunc esse vera & solidæ virtutis cuiuslibet probationem, quando necessitas & difficultas occurruunt in ejus exercitio. Dicitur autem necessitas virtutis exercendæ, quando in contrariis abites virtutum, oppositumque peccatum, nisi virtutem exerceres. Non est enim major necessitas quam non peccare, nam ipsa vita degendæ necessitas illi cedit. *Vna est inevitabilu necessitas, Deum non offendere, inquit S. Joannes Chylostinus, Imo hoc unum necessarium, de quo Christus Dominus, cum in fuga peccati potissimum consistat nostra salus, divinusque cultus.*

At verò cum tantæ necessitati jungitur difficultas exercendæ actu & reipla virtutis, Unde curque tandem difficultas proveniat, tunc maxime dicitur probari virtus, an sit vera & solida, quia tentatur & solicitatur animus ex diversa parte ad virtutem & vitium. Necesse est virtutis excitatur ad ejus exercitium, sed ejusdem difficultate, inde avocatur. *Tribulatio, seu difficultas, inquit Apostolus, patientiam operatur, patientia autem probationē. Quod & S. Jacobus paulò expressius, Omne gaudium existimat fratres mei, Iacob. 1, cum in tentationes varias inciderint, scientes quod*

*pro*

*Judith, 8.*  
probatio fidei vestra patientia operatur, patientia autem opus perfectum habet, ut sit perfecta & integrata, in nullo deficientes. Id est, sic ostendentes veram & solidam vestram virtutem, cuius probanda causa, permittuntur ceterationes. *Memores sunt*, ajebat suis Judith. *Quia tentati sunt Patres nostri ut probarentur, si vere colerent Deum suum.* Expende illud vere. Nam in eo totus Dei cultus, & tota virtus, cum alioquin nihil nisi superstitionis & species adumbriatae pietatis. Illudque est quod hic queritur, utrum vero an factum, utrum certum an falsum colatur Deus. Quod cum probet & declare difficultas, vide quomodo contra decetes. *Vos metipos tentate si estis in fide,* ajebat Apostolus: si estis in charitate, in patientia & aliis Virtutibus; ipsi vos probate.

*2. Cor. 13.*

## I L P U N C T U M.

**S**ED substrada Devotione sensibilis, necessitas & difficultas vera & solida Devotionis, simul occurserunt.

Quae sit devotio sensibilis, aut quae ejus substractio, disce ex his sancti Bernardi verbis. Sane ab heri & nudiuscertius, invaserit me languor iste animi & mentis hebetudo, insolita quedam inertia spiritus. Currebam bene, sed ecce lapus offensionis in via, impegi & corruic superbia inventa est in me, Dominus declinavit a servu suo. Hinc ista sterilitas anima mee, & devotionis inopia quam patior. Quomodo ita exaruit cor meum, coagulatum est sicut lac, factum est sicut terra sine aqua, nec compungi ad lachrymas quo, tanta est duritia cordu. Non sapit psalmus, non legere libet, non orare delectat, meditationes solitas non inuenio. Vbi illa inebriatio spiritus? subimentus serenitas & pax & gaudium in Spiritu S. Ideo ad opus manuum piger, ad vigilias somnolentus, ad iram praecipit, ad odium pertinax, lingua & gula indulgentior, segnior, obtusior, ad prædicationem. Heu omnes montes in circuitu meo visitat Dominus, ad me autem non appropinquat. Quid me aliud putemus quam unum de montibus Gelboe, quem preterit in ira & indignatione sua ille ceterorum omnium, benignissimus visiator.

*4. Collat. 6.2.1.10. de Acadia. P. 118.*  
Similia quedam & plura habet Cassianus, ceterique Patres a seici atq; illius versiculi interpres: *Dormitavit anima mea praetatio.* Ex quibus satis patet quanta sit eo tempore necessitas vera & solida devotionis; Nam cum oppositum vitium invaserit penitus animam, & ita quodammodo constructa teneat, ut vix se contra movere

possit; quibus armis, quibus praesidis se tandem a vitio tutabitur, nisi tam certa solidaque sit devotio, ut nullis cedet impugnationibus, & contra potius ex infirmitate fiat robustior?

Quanta sit vero difficultas sic secum decertandi, quis non vide? quis non sentit? Cum ipsi ferventes & sanctiores vix pares sint certaminis, & tantum non deficiant, tantum non cedant; *Ecc. 10b. 26.*

*Gigantes gemunt sub aqua, & qui habitant cum eis,* inquit Beatus Job; *Q. d. ipsi fortiores tum ingemiscunt pro difficultate, quid alii debiliores?* Ubi duo adverte in illa voce gemunt primum illud quod dictum est, ut significet difficultatem quam sentiunt robustiores quaque. Secundum, ut indicet illos certare qui ita gemunt in difficultate; nam qui cedunt, non gemunt: & quinon gemunt, satis indicat se difficultati cessisse. O quam multi hoc errore deluduntur, ut putent vel non licere sibi gemere in difficultatibus, vel si gemant non posse difficultates frangere. Permittit Naturæ Gratia, suos gemitus, si natura concedat Gratiæ, suos effectus.

## III. P U N C T U M.

**S**ENSIBILIS igitur devotionis substractio vera & solida devotionis est probatio; Quia tum duo illa simul concurrunt ex quibus certa probatur virtus, nempe necessitas & difficultas, quae sic in diversa rapiunt animum, ut si quis tu fidelis sit, vere solideque devotus censeatur. *Nunc cognovi,* dicet Dominus, sicut de Abrahamo, *Quod vere colas Deum.* Id est, ex illa fidelitate quam servasti in tali occurso necessitatis & difficultatis cognoscendum te præbuisti, qualis es, an vere coleres Deum. Sic beatissimi Parentes Pueri Iesu, veros se probaverè parentes, & veros Dei cultores. Ita dolent subtractione filii, ut ex illo dolore nihil inordinatum cogitent. Neque impatiētes sint in damno quod inde sentiunt, neque negligentes in eo reparando. Non plus affectant quam possunt, neque quod possunt deserunt: Inquirunt diligenter, sed quietè. Conservant animi tranquillitatem, sed simul etiam debitam servat solitudinem. Solliciti sunt sine perturbatione, & imperturbati sunt sine desidia. Evitatis utrimque extremis, in medio semper consistunt, ut neque plus neque minus agant, quam sibi agendum priuient. Sic Sapientia, quæ in illis tota residebat, *Mens est, inquit, consilium, & equitas: mea est Prover. 8. prudentia, mea est fortitudo: In viu justitia ambulo, in medio semitarum iudicii.*

Q. 3

Tu



*3. de Imit.  
Ch. c. 6:*

Tu è contrà quid pecces audi ex libello nunquam deponendo! Propter modicam contrarietatem deficit à capite, & nimis avidè consolationem quaris. Fortis amator sicut in temptationibus, nec calidis credit per iussionibus inimici. Affectione ille bonus & dulcis quem interdum percipit, effectus gratia presentis est. Et quidam pragustus gratia celestis super quo non nimis innitendum, quia uadit &

venit. Certare autem aduersus incidentes malos & nimi motus, suggestionesque sfernre diaboli, Insigne est virtutis & magni meriti.

Vide integrum caput, & sic defectus tuos agnosce, ut eos corrigas; sic vero corrige, non ut alios in defectus mutentur, quod sàpè tibi accedit, sed ut muteris in aliud, quod raro fit.

## E O D E M D I E. ALIA VERITAS PRACTICA.

Nemo jam Christum amittit, nisi qui dimittit.

*Vel, ut habet S. Ambrosius.*

*In Luc. c. 5.*

Nemo tibi Christum auferre potest, nisi te illi auferas.

**RATIO EST.** Quia nemo tibi Christum auferre potest, nisi velis. *Vel,* Nemo jam Christum amittit, nisi sua culpa. Sed si velis Christum tibi auferri, tu te illi auferas. *Vel;* Qui sua culpa Christum amittit, ipsum dimittit. Nemo igitur tibi Christum auferre potest, nisi te illi auferas. Et jam nemo Christum amittit, nisi qui dimittit.

**Q**uidem omnia tam plana sunt & aperta, ut sint solum termini proponendi. Nec illud etiam obscurum est quām si pavendum & cavendum, sic à te Christum dimittere, sic tibi Christum auferre. Quid invenerunt in me misericordias, quia eorum gauerunt à me, & ambulaverunt post vanitatem & vanis factis sunt.

## E O D E M D I E. DE MANSIONE NAZARETHANA, ET SUBIECTIONE D. JESU, USQUE AD ANNUM TRIGESIMUM.

*Et erat subditus illis. Luc. 2.*

### VERITAS PRACTICA.

Nisi te subdas Deo, Deum tibi subdis.

**RATIO EST.** Quia nisi te subdas Deo, tu amputabis quam Dei voluntatem facis. Sed suam potius quam Dei voluntatem facere, est sibi Deum subjecere. Ergo nisi te subdas Deo, Deum tibi subdis: Quod cum sit horrendum dictu, & factio etiam magis execrandum, potens est motivum ad nos perfidie Deo subiectiendos.

### I. P U N C T U M.

*Luc. 2.*

**A**B anno duodecimo Christi Domini, atque ab ipsius reditu Jerosolymitanus in Nazareth, pauca hęc de illo referuntur, Et descendit cum eis, & uenit Nazareth

& erat subditus illis. Et Mater eius conservabat omnia verba hec, in corde suo. Et Iesus proficiebat sapientia, & state, & gratia apud Deum & homines. In quibus illud suprà omnem hominum atque Angelorum admirationem est, quod esset subditus illis. Expende singillatim omnia. Quis, quibus, quamdiu, quo fine, quomodo, & in quo illa est et subiectio. Nempe in arte fabrili, & in omnibus obsecquis domesticis, quasi ille servus esset, Ille qui est univerlorum Dominus. Nonne hic est fabri filius? Nonne hic est faber, filius Mariae? dixerunt Judæi postea cum primū prædicare coepit.

O mundi Architectum & fabricatorem universi, quod te devexit mea superbia, ut in angustias fabrilis officinæ descenderes, nec aliud per duodeviginti annos continuos, quām illud vile officium, ad unius hominis directionem & imperium, exerceres! Certè nisi discamus subiecti, &

*Matth. 13.  
Marc. 6.*

*huc*

